



Broj: 751/25

Datum: 26.03.2025. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 738/25 od 25.03.2025. godine, direktor JP „LOKOM“ d.o.o. Sarajevo, **d o n o s i**

ODLUKU O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za provođenje postupka javne nabavke i okvirni sporazum za nabavku usluga prevoza robe i radne mašine za potrebe Službe za održavanje površinskih slojeva lokalnih cesta – **LOT 2 - Nabavka usluga prevoza manje količine robe do 4m³**, na period od dvije godine, dodjeljuje se ponuđaču: Autoprevoznik Avdibegović Sakib sa sjedištem u Sarajevu, ul. Izeta Karšića br. 26 sa cijenom ponude u iznosu od 89.300,00 KM bez PDV-a.

Član 2.

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

Obrazloženje

Postupak za javnu nabavku usluga prevoza robe i radne mašine za potrebe Službe za održavanje površinskih slojeva lokalnih cesta, putem otvorenog postupka, pokrenut je Odlukom o pokretanju postupka javne nabavke br. 181/25 od 10.02.2025. godine.

Shodno članu 16. Zakona o javnim nabavkama predmetni postupak javne nabavke je podijeljen na lotove, odnosno na 2 (dva) lota, na način da se ponuđačima omogućava da dostave ponude za jedan lot ili više lotova ili sve lotove, i to kako slijedi: LOT 1 – Nabavka usluga prevoza radne mašine i prevoza robe količine minimalno 10m³ i LOT 2 – Nabavka usluga prevoza manje količine robe do 4m³. Ukupna procijenjena vrijednost javne nabavke iznosi 237.600,00 KM bez PDV-a. Procijenjena vrijednost javne nabavke za LOT 2 iznosi 95.000,00 KM bez PDV-a.

Za ovaj postupak javne nabavke predviđeno je zaključenje okvirnog sporazuma na period od 2 (dvije) godine. U skladu sa članom 11. Pravilnika o uslovima i načinu korištenja e-Aukcije („Službeni glasnik BiH“, broj 80/23) ugovorni organ, za ovaj postupak javne nabavke, tenderskom dokumentacijom nije predvidio provođenje e-Aukcije.

Komisija za provođenje postupka javne nabavke imenovana je Rješenjem broj: 182/25 od 10.02.2025. godine.

Obavještenje o nabavci i tenderska dokumentacija su objavljeni na Portalu javnih nabavki dana 12.02.2025. godine u 16:01 sati pod brojem: 269-1-2-26-3-48/25, a sažetak Obavještenja o nabavci



objavljen je u „Službenom glasniku BiH“ br. 7/25, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" br. 80/22).

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljenih pitanja vezano za pojašnjenje tenderske dokumentacije.

Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 12 (dvanaest) potencijalnih ponuđača, zaključno sa krajnjim datumom za preuzimanje tenderske dokumentacije.

U određenom krajnjem roku za dostavu ponuda (06.03.2025. godine do 10:00 sati) blagovremeno su dostavljene 3 (tri) ponude za LOT 2, i to ponuda ponuđača: 1. DRVOPROX d.o.o. Sarajevo sa sjedištem u Sarajevu na adresi Esada Mindžića br. 15, 71000 Sarajevo, BiH, koja je zaprimljena kod ugovornog organa pod brojem protokola 159/25 dana 06.03.2025. godine u 08:01 sati. 2. Autoprevoznik Avdibegović Sakib sa sjedištem u Sarajevu na adresi Izeta Karšića br. 26, 71000 Sarajevo, BiH, koja je zaprimljena kod ugovornog organa pod brojem protokola 160/25 dana 06.03.2025. godine u 09:22 sati; 3. Dinalsa d.o.o. Sarajevo sa sjedištem u Sarajevu na adresi Huseina Đoze br. 3, 71000 Sarajevo, BiH, koja je zaprimljena kod ugovornog organa pod brojem protokola 162/25 dana 06.03.2025. godine u 09:30 sati.

Komisija za provođenje postupka javne nabavke je istog dana 06.03.2025. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova pristupila javnom otvaranju pristiglih ponuda i sačinila Zapisnik o otvaranju ponuda koji je uz Zapisnik o zaprimanju ponuda isti dan prosljeđen ponuđačima koji su učestvovali u predmetnom postupku javne nabavke u skladu sa tačkom 5.13. predmetne tenderske dokumentacije, koja reguliše način komunikacije između ugovornog organa i ponuđača. Na javnom otvaranju ponuda nije bilo prisutnih predstavnika ponuđača.

Zapisnikom o otvaranju ponuda konstatovano je da je ponuda uredno zatvorena, te da je ponuđena cijena, kako slijedi: 1. DRVOPROX d.o.o. Sarajevo u iznosu od 87.400,00 KM bez PDV-a. 2. Autoprevoznik Avdibegović Sakib u iznosu od 89.300,00 KM bez PDV-a. 3. Dinalsa d.o.o. Sarajevo u iznosu od 94.560,00 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila Zapisnik o pregledu i ocjeni ponuda u kojem je utvrđeno sljedeće:

- da su blagovremeno zaprimljene 3 (tri) ponude u određenom krajnjem roku, i to ponuda ponuđača: DRVOPROX d.o.o. Sarajevo, Autoprevoznik Avdibegović Sakib i Dinalsa d.o.o. Sarajevo;
- da nije bilo neblagovremenih ponuda;
- da je zaprimljena ponuda ponuđača DRVOPROX d.o.o. Sarajevo ocijenjena kao nepravilna u skladu sa članom 2. stav (1) tačka 1) alineja 3) Zakona o javnim nabavkama BiH, te je ista isključena iz daljeg postupka javne nabavke;
- da je, u skladu sa članom 68. stav (3) i članom 48. stav (5) Zakona, ugovorni organ, od ponuđača Dinalsa d.o.o. Sarajevo zahtijevao pojašnjenje dostavljenih dokaza iz člana 48. Zakona; da je ponuđač Dinalsa d.o.o. Sarajevo u ostavljenom roku dostavio ugovore sa ponudama/predmjerima izvedenih radova radi pojašnjenja referenci iz kojih je Komisija za javne nabavke konstatovala da ponuđač nije ispunio tehničku i profesionalnu sposobnost;
- da je zaprimljena ponuda ponuđača Dinalsa d.o.o. Sarajevo ocijenjena kao neprihvatljiva u skladu sa članom 2. stav (1) tačka 1) alineja 2) Zakona o javnim nabavkama BiH, te je ista isključena iz daljeg postupka javne nabavke;
- da zaprimljena ponuda ponuđača Autoprevoznik Avdibegović Sakib ispunjava kriterije za kvalifikaciju;
- da ponuđač Autoprevoznik Avdibegović Sakib nije vršio ispravke u ponudama;
- da je u skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15),



- Komisija za javne nabavke, izvršila provjeru računske ispravnosti ponude ponuđača Autoprevoznik Avdibegović Sakib, te konstatovala da u ponudi nije bilo računskih grešaka.
- da zaprimljena ponuda ponuđača Autoprevoznik Avdibegović Sakib ispunjava kriterije za kvalifikaciju, odnosno ista je prihvatljiva u formalno-pravnom, ekonomskom i tehničkom smislu, ispunjava postavljene zahtjeve ugovornog organa definisane tenderskom dokumentacijom, ponuda ne prelazi planirana, odnosno osigurana novčana sredstva ugovornog organa za predmetnu nabavku, te je navedenom ponuđaču dozvoljeno dalje učešće u postupku javne nabavke.
 - Ponuda ponuđača DRVOPROX d.o.o. Sarajevo sa sjedištem u Sarajevo, ul. Esada Mindžića 15, 71000 Sarajevo je isključena iz daljeg postupka javne nabavke iz sljedećih razloga:

Tačkom 3. tenderske dokumentacije propisano je sljedeće: „U skladu sa članom 44. Zakona o javnim nabavkama ugovorni organ provjerava i ocjenjuje da li je kandidat/ponuđač pouzdan i sposoban da izvrši ugovor, u skladu sa uslovima utvrđenim u tenderskoj dokumentaciji. Ugovorni organ u tenderskoj dokumentaciji definira uslove za kvalifikaciju na način da utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti. Samo onim kandidatima/ponuđačima čije kvalifikacije zadovoljavaju uslove utvrđene u ovoj tenderskoj dokumentaciji dopušteno je da nastave postupak javne nabavke.”

Tačkom 3.4. tenderske dokumentacije ugovorni organ je propisao i definisao uslove ispunjavanja tehničke i profesionalne sposobnosti ponuđača, između ostalog „a) da imaju uspješno iskustvo u realizaciji najmanje 1 (jednog) ugovora u periodu ne dužem od 3 (tri) godine ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od 3 (tri) godine, a čiji je karakter ili kompleksnost ista ili slična onima koji se odnose na predmetnu nabavku, vrijednosti najmanje 47.500,00 KM bez PDV-a ili više ugovora zbirne vrijednosti u iznosu od 47.500,00 KM bez PDV-a, a kao dokaz ispunjavanja postavljenog uslova tehničke i profesionalne sposobnosti ponuđača tražio „a) Spisak izvršenih ugovora ponuđača (referenc lista na memorandumu ponuđača, ovjerena i potpisana od strane ovlaštenog lica ponuđača) uz dostavu jedne (1) originalne ili ovjerene fotokopije potvrde o uspješnoj realizaciji 1 (jednog) ugovora u periodu ne dužem od 3 (tri) godine ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od 3 (tri) godine, a čiji je karakter ili kompleksnost ista ili slična onima koji se odnose na predmetnu nabavku, čija ukupna vrijednost nije ispod 47.500,00 KM bez PDV-a – original ili ovjerena kopija. NAPOMENA: Uz spisak izvršenih ugovora ponuđač je dužan dostaviti i potvrdu, koja je u vezi sa spiskom izvršene usluge, a koje daje druga ugovorna strana o njihovoj realizaciji (original ili ovjerena kopija).

U skladu sa članom 48. stav (3) Zakona o javnim nabavkama, a što je ugovorni organ definisao i predmetnom tenderskom dokumentacijom u tački 3.4., Potvrda o uredno izvršenim ugovorima, mora sadržavati sljedeće podatke: a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora, e) navode o uredno izvršenim ugovorima. Napomena: U slučaju da se na dostavljenim potvrdama ne nalaze sve naprijed navedene stavke, u skladu sa članom 48. stav 3. Zakona (naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navod o uredno izvršenim ugovorima) ponuda ponuđača će se isključiti iz daljeg postupka javne nabavke.

Uvidom u dostavljenu ponudu ponuđača DRVOPROX d.o.o. Sarajevo, Komisija ugovornog organa utvrdila je da je ponuđač na stranici 22. ponude dostavio Potvrdu od 04.03.2025. godine izdatu od strane BosnaPellet d.o.o. u kojoj nije naveden naziv i sjedište druge ugovorne strane, odnosno Naručitelja, mjesto izvršenja ugovora, te navod da je ugovor uredno izvršen. S obzirom da dostavljena Potvrda ne sadrži naziv i sjedište druge ugovorne strane, mjesto izvršenja ugovora, te navod o uredno izvršenom ugovoru, a koji elementi su propisani Zakonom o javnim nabavkama, Komisija ugovornog je ocijenila da ponuđač nije ispunio zahtjevano tenderskom dokumentacijom iz tačke 3.4. jer dostavljena Potvrda ne sadrži sve elemente propisane članom 48. stav 3. Zakona o javnim nabavkama, te se takva potvrda ne može ni prihvatiti.



Nadalje, uvidom u dostavljenu ponudu ponuđača DRVOPROX d.o.o. Sarajevo, Komisija ugovornog organa utvrdila je da je ponuđač na stranici 23. ponude dostavio Potvrdu od 05.03.2025. godine izdatu od strane SMAJIĆ DRVO d.o.o. Visoko u kojoj nije naveden naziv i sjedište druge ugovorne strane, odnosno Naručitelja i sjedište ugovorne strane privrednog subjekta Drvoprox d.o.o. S obzirom da dostavljena Potvrda ne sadrži naziv i sjedište ugovornih strana, a koji element je propisan Zakonom o javnim nabavkama, Komisija je ocijenila da ponuđač nije ispunio zahtijevano tenderskom dokumentacijom iz tačke 3.4. jer dostavljena Potvrda ne sadrži sve elemente propisane članom 48. stav 3. Zakona o javnim nabavkama, te se takva potvrda ne može ni prihvatiti.

Tačkom 3.4.4. tenderske dokumentacije navedeno je da će ponuđač biti isključen iz daljnjeg učešća zbog neispunjavanja uslova za kvalifikaciju, ukoliko se u ponudi ne dostave traženi dokazi u vezi obavljanja profesionalne sposobnosti ponuđača iz tačke 3.4. tenderske dokumentacije ili se ne dostave na način kako je traženo.

Tačkom 4.1.1. tenderske dokumentacije propisano je sljedeće: „Stroga formalnost: Ugovorni organ ističe da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uslove tenderskom dokumentacijom, zakonskim i podzakonskim aktima.“ „...Ponuđači su dužni da detaljno prouče ovu tendersku dokumentaciju, sva uputstva, obrasce i ostale uslove i da postupe po njenim zahtjevima. Propust da se u ponudi ne prilože svi traženi dokumenti ili se prilože dokumenti koji nisu u skladu sa zahtjevima iz ove tenderske dokumentacije rezultirat će odbacivanjem takve ponude.“

Tačkom 4.2.2. tenderske dokumentacije propisano je sljedeće: „Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom bit će odbačene u skladu sa Zakonom.“

U skladu sa odredbama člana 2. stav (1) tačka 1) alineja 3) Zakona o javnim nabavkama ponuda je nepravilna ako nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (4) alineja i) propisana je obaveza ugovornog organa da odbaci ponudu u slučaju kada ista nije potpuna i ne ispunjava zahtjeve iz tenderske dokumentacije

Naprijed navedeni članovi Zakona o javnim nabavkama, a u vezi sa članom 2. stav (1) tačka 1) alineja 3) Zakona o javnim nabavkama BiH su osnov za odbacivanje ponude imenovanog ponuđača.

- Ponuda ponuđača Dinalsa d.o.o. Sarajevo sa sjedištem u Sarajevo, ul. Huseina Đoze br. 3, 71000 Sarajevo je isključena iz daljeg postupka javne nabavke iz sljedećih razloga:

Tačkom 3. tenderske dokumentacije propisano je sljedeće: „U skladu sa članom 44. Zakona o javnim nabavkama ugovorni organ provjerava i ocjenjuje da li je kandidat/ponuđač pouzdan i sposoban da izvrši ugovor, u skladu sa uslovima utvrđenim u tenderskoj dokumentaciji. Ugovorni organ u tenderskoj dokumentaciji definira uslove za kvalifikaciju na način da utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti. Samo onim kandidatima/ponuđačima čije kvalifikacije zadovoljavaju uslove utvrđene u ovoj tenderskoj dokumentaciji dopušteno je da nastave postupak javne nabavke.“

Tačkom 3.4. tenderske dokumentacije ugovorni organ je propisao i definisao uslove ispunjavanja tehničke i profesionalne sposobnosti ponuđača, između ostalog „a) da ponuđači imaju uspješno iskustvo u realizaciji najmanje 1 (jednog) ugovora u periodu ne dužem od 3 (tri) godine ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od 3 (tri) godine, a čiji je karakter ili kompleksnost ista ili slična onima koji se odnose na predmetnu nabavku, vrijednosti najmanje 47.500,00 KM bez PDV-a ili više ugovora zbirne vrijednosti u iznosu od 47.500,00 KM bez PDV-a, a kao dokaz ispunjavanja postavljenog uslova tehničke i profesionalne sposobnosti ponuđača tražio „a) Spisak izvršenih ugovora ponuđača (referenc lista na memorandumu ponuđača, ovjerena i potpisana od strane ovlaštenog lica ponuđača) uz dostavu jedne (1) originalne ili ovjerene fotokopije potvrde o uspješnoj realizaciji 1 (jednog) ugovora u periodu



ne dužem od 3 (tri) godine ili od datuma registracije, odnosno početka poslovanja, ako je kandidat/ponuđač registriran, odnosno počeo sa radom prije manje od 3 (tri) godine, a čiji je karakter ili kompleksnost ista ili slična onima koji se odnose na predmetnu nabavku, čija ukupna vrijednost nije ispod 47.500,00 KM bez PDV-a – original ili ovjerena kopija. NAPOMENA: Uz spisak izvršenih ugovora ponuđač je dužan dostaviti i potvrdu, koja je u vezi sa spiskom izvršene usluge, a koje daje druga ugovorna strana o njihovoj realizaciji (original ili ovjerena kopija).

Uvidom u ponudu ponuđača Dinalsa d.o.o. Sarajevo, Komisija ugovornog organa je utvrdila da je ponuđač u cilju dokazivanja ispunjenosti uslova iz tačke koja se odnosi na tehničku i profesionalnu sposobnost dostavio Referenc listu i dvije ovjerene fotokopije Potvrde o uspješnoj realizaciji ugovora, i to: Potvrdu izdatu od strane Općine Centar Sarajevo, broj: 03-19-8166/23 od 19.01.2024. godine, na iznos od 876.821,17 KM sa PDV-om, čiji je predmet: "Izvođenje radova na tekućem održavanju dijela pješačke zone Merhemica trga" i Potvrdu izdatu od strane Općine Novi Grad Sarajevo, broj: 02/08-19-sl. 186/24 Č.E od 19.03.2024. godine, na iznos od 174.964,03 KM sa PDV-om, čiji je predmet: "Izvođenje radova na uređenju šetališta Otoka – Hrasno (I-faza) – Ugovor br. 1".

Članom 48. stav (5) Zakona o javnim nabavkama propisano je da ugovorni organ može tražiti od kandidata/ponuđača da pismeno pojasne dostavljene reference. Članom 7. Zakona o upravnom postupku propisano je da se u postupku mora utvrditi pravo stanje stvari i u tom cilju moraju se utvrditi sve činjenice koje su od važnosti za donošenje zakonitog i pravilnog rješenja.

Shodno članu 68. stav (3) Zakona o javnim nabavkama ugovorni organ može pozvati kandidate/ponuđače da u roku od tri dana pojasne dokumente koje su dostavili u skladu sa članom od 45. do 51. ovog zakona ili da dostave originalne dokumente radi poređenja sa kopijom, koja je dostavljena uz ponudu, a s ciljem otklanjanja formalnog nedostatka dokumenata.

Kako se iz dostavljenih potvrda nije moglo sa sigurnošću i bez sumnje utvrditi da je karakter ili kompleksnost ista ili slična onima koji se odnose na predmetnu nabavku, odnosno uslugama prevoza robe i radne mašine, ugovorni organ je u skladu sa članom 68. stav (3) i članom 48. stav (5) Zakona, a s ciljem otklanjanja nejasnoće, putem e-maila dana 21.03.2025. godine ponuđaču Dinalsa d.o.o. Sarajevo uputio dopis broj: 687/25 od 20.03.2025. godine u kojem je zatraženo pojašnjenje dostavljenih potvrda o uspješnoj realizaciji ugovora. Zahtjevom je traženo da ponuđač dostavi kopiju ugovora sa specifikacijom ugovorenih obaveza ili Izjavu izdavaoca potvrde o tačno izvedenim radovima ili bilo koji drugi dokument iz kojeg se može jasno vidjeti šta su izvedeni radovi tačno obuhvatali.

Ponuđač Dinalsa d.o.o. Sarajevo je, u ostavljenom roku, i to dana 24.03.2025. godine, dostavio ugovore sa ponudama/predmjerima izvedenih radova radi pojašnjenja referenci.

Na osnovu dostavljenih Ugovora Komisija je utvrdila da se dostavljene potvrde ne odnose na realizaciju ugovora čiji je karakter ili kompleksnost ista ili slična onima koji se odnose na predmetnu javnu nabavku, kako je definisano tenderskom dokumentacijom, već na izvođenje radova (građevinski, pripremni, zemljani, betonski i armirano-betonski radovi, zanatski radovi i sl.).

Također, Komisija je konstatovala da je u pojedinim pozicijama ponude ponuđača bio uključen transport materijala na određenu lokaciju (dovoz/odvoz), iz kojeg je nemoguće utvrditi koliki udio u vrijednosti realizovanog ugovora izražen u konvertibilnim markama bez PDV-a se odnosio na usluge prevoza, odnosno u kojoj vrijednosti bez PDV-a su pružene usluge prevoza robe.

Tačkom 3.4.4. tenderske dokumentacije navedeno je da će ponuđač biti isključen iz daljnjeg učešća zbog neispunjavanja uslova za kvalifikaciju, ukoliko se u ponudi ne dostave traženi dokazi u vezi obavljanja profesionalne sposobnosti ponuđača iz tačke 3.4. tenderske dokumentacije ili se ne dostave na način kako je traženo.

Slijedom prethodno navedenog, Komisija je ustanovila da ponuđač nije dokazao tehničku i profesionalnu sposobnost, te se ponuda ponuđača ne može uzeti u dalje razmatranje.

Tačkom 4.1.1. tenderske dokumentacije propisano je sljedeće: „Stroga formalnost: Ugovorni organ ističe da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uslove tenderskom dokumentacijom, zakonskim i podzakonskim aktima.“ „...Ponuđači su dužni da detaljno prouče ovu tendersku dokumentaciju, sva uputstva, obrasce i ostale uslove i da postupe po njenim zahtjevima. Propust da se u ponudi ne prilože



svi traženi dokumenti ili se prilože dokumenti koji nisu u skladu sa zahtjevima iz ove tenderske dokumentacije rezultat će odbacivanjem takve ponude.“

Tačkom 4.2.2. tenderske dokumentacije propisano je sljedeće: „Ponudači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom bit će odbačene u skladu sa Zakonom.“

U skladu sa odredbama člana 2. stav (1) tačka 1) alineja 2) Zakona o javnim nabavkama ponuda je neprihvatljiva ukoliko cijena ponude prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta.

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (4) alineja i) propisana je obaveza ugovornog organa da odbaci ponudu u slučaju kada ista nije potpuna i ne ispunjava zahtjeve iz tenderske dokumentacije

Naprijed navedeni članovi Zakona o javnim nabavkama, a u vezi sa članom 2. stav (1) tačka 1) alineja 2) Zakona o javnim nabavkama BiH su osnov za odbacivanje ponude imenovanog ponuđača.

U skladu sa članom 11. Pravilnika o uslovima i načinu korištenja e-Aukcije („Službeni glasnik BiH“, broj 80/23) ugovorni organ, za ovaj postupak javne nabavke, tenderskom dokumentacijom i obavještenjem o nabavci nije predvidio provođenje e-Aukcije.

Komisija za javne nabavke ugovornog organa je nakon završenog pregleda i ocjene pristiglih ponuda, a u skladu sa članom 64. stav (1) tačka b) Zakona o javnim nabavkama BiH, izvršila rangiranje prihvatljivih ponuda prema kriteriju „najniža cijena“, i to:

1. Autoprevoznik Avdibegović Sakib sa cijenom od 89.300,00 KM bez PDV-a.

U skladu sa naprijed navedenim, Komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača: Autoprevoznik Avdibegović Sakib u predmetnom postupku javne nabavke, po ponuđenoj ukupnoj cijeni u iznosu od 89.300,00 KM bez PDV-a.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

Prilog: Kopija Zapisnika o pregledu i ocjeni ponuda broj: 738/25 od 25.03.2025. godine

JP „LOKOM“ d.o.o. Sarajevo

Direktor

Adnan Šabanović

Dostaviti:

1. AUTOPREVOZNIK AVDIBEGOVIĆ SAKIB,
2. Dinalsa d.o.o. Sarajevo,
3. DRVOPROX d.o.o. Sarajevo,
4. Službena stranica Preduzeća,
5. u spis predmetne JN,
6. a/a.

